



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 142. Caletum valido præsidio per Anglorum incuriam destitutum.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

§. CXLII.

Sæcul. XVI.

A.C. 1557.

Caletum valido præsidio per Anglorum incuriam destitutum.

Thuan. l. c.

Coacto demum exercitu, necnon Guisio Duce eidem præposito consultatum est, quo ducendæ viderentur copix, an ad ea, quæ proxima æstate amissa fuerant, recuperanda, vel ad novam aliquam expeditionem id fieret: cum vero Caleti expugnandi consilium repeti, rumor spargeret, hinc Philippus Rex exeunte hoc anno datis ad Reginam conjugem suam literis significabat, quod Galli hujus urbis obsidionem moliri viderentur; ideo eidem ex suis copiis nonnullas urbis præsidio imponendas offerebat, cum hanc civitatem valido milite destitutam nosset. Hoc Philippi consilium Senatui proponebatur: verum id nonnisi a Rege dolo factum credebatur, ut præsidium augere obtendens re ipsa Caletum suæ potestati subjiceret. Nec id a vero multum abludere videbatur, quamvis Angli hunc timorem nonnisi ex vana suspicione ortum existimarent, & Consilarii, perinde acsi constans, & probata veritas subesset, nullo pacto sibi persuadere possent, quod Gallis hanc urbem obsidendi animus esset, licet nec quarta, quæ ad illius defensionem necessaria fuisset, militum,

litum,

Sæcul. XVI. litum, bellicique apparatus parte urbem
A.C. 1557. esse munitam scirent: hi ergo existimaf-
 se videntur, quod sola munitissimæ hu-
 jus urbis fama hostem longe ab ejus
 mœnibus arcere deberet: quapropter
 neglecto Philippi consilio nulla omni-
 no opis ferendæ cura adhibebatur,
 quamvis Wentvorthius, qui Caleti Gu-
 bernator erat, suppetias mitti vehemens
 urgeret.

§. CXLIII.

Gallorum sententia de obsidenda hac urbe.

Belcar. l. 28. Ceterum Angli summa admiratione
 n. 2. defixi hærebant, cum Caleti obsidio-
Thuan. l. 20. nem a Gallis fuisse decretam nuntiaretur: Attamen ad Gallici nominis famam, regnique tutelam plurimum conferre videbatur, ne tam copiosus, ac optime instructus exercitus sine celebris expeditionis molimine dimitteretur, quamvis ceteroquin permolesta hyemis asperitas obstare crederetur, præcipue cum haud consultum videretur, ut urbes nuper amissæ recuperarentur, eo quod ea loca ab hoste jam munita, & milite, ac re omni necessaria abunde firmata essent, nec eundem animum in iis regionibus, in quibus recentis cladis vestigia ob oculos versabantur, militi fore appareret, quam si alio duceretur:
 itaque